

1982 nr. 36 7. maí

Lög um Sinfóniuhljómsveit Íslands

Tóku gildi 24. maí 1982. Breyti með: L. 95/2002 (tóku gildi 31. maí 2002). L. 7/2007 (tóku gildi 3. febr. 2007). L. 126/2011 (tóku gildi 30. sept. 2011).

Ef í lögum þessum er getið um ráðherra eða ráðuneyti án þess að málfnasvið sé tilgreint sérstaklega eða til þess vísað, er átt við **mennta- og menningarmálaráðherra eða mennta- og menningarmálaráðuneyti** sem fer með lög þessi.

■ 1. gr.

- Hljómsveitin heitir Sinfóniuhljómsveit Íslands. Heimili hennar og varnarþing er í Reykjavík.
- Sinfóniuhljómsveit Íslands er sjálfstæð stofnun með sérstakan fjárhag og lýtur sérstakri stjórn. Málefni hennar heyra undir [ráðuneytið].¹⁾

¹⁾ L. 126/2011, 95. gr.

■ 2. gr.

- Starf Sinfóniuhljómsveitarinnar miði að því að auðga tónmenningu Íslendinga, efla áhuga og þekkingu á æðri tónlist og gefa landsmönnum kost á að njóta hennar, m.a. með tónleikahaldi sem víðast um landið og með tónlistarflutningi í útvarp. Sérstaka áherslu ber að leggja á flutning og kynningu íslenskrar tónlistar, utan lands sem innan, ef tilefni gefast.
- Í öllu starfi hljómsveitarinnar skal kappkosta að hafa sem best samstarf við þá aðila aðra sem að skyldum markmiðum vinna, einkum aðra íslenska flytjendur tónlistar, einstaklinga, hópa og stofnanir.
- Tengja ber starf hljómsveitarinnar tónlistarkennslu í landinu svo sem kostur er.

■ 3. gr.

- Að rekstri Sinfóniuhljómsveitar Íslands standa eftirtaldir aðilar og greiða þeir rekstrarkostnað hennar í eftирgreindum hlutföllum:
 - a. Ríkissjóður [82%].¹⁾
 - b. ...¹⁾
 - c. Borgarsjóður Reykjavíkur 18%.
 - d. ...¹⁾

- Með samþykki rekstraraðila getur [ráðuneytið]²⁾ heimilað fleiri sveitarfélögum aðild að rekstri hljómsveitarinnar.
- Efna má til samvinnu á viðskiptagrundvelli milli Sinfóniuhljómsveitarinnar annars vegar og Þjóðleikhússins, Íslensku óperunnar, Íslenska dansflokkins og annarra aðila hins vegar um einstök verkefni eftir því sem tilefni gefast til og önnur starfsemi hljómsveitarinnar leyfir.
- [Sinfóniuhljómsveitin og Ríkisútvarpip skulu gera með sér samning um flutning á tónlistarefni hljómsveitarinnar.]¹⁾
- Sinfóniuhljómsveitin skal kappkosta að afla sjálfstæðra tekna af tónleikahaldi, svo að sem mest af útgjöldum hljómsveitarinnar fáið greitt af slíkum tekjum hennar.

¹⁾ L. 7/2007, 1. gr. ²⁾ L. 126/2011, 95. gr.

■ 4. gr.

- [Stjórn Sinfóniuhljómsveitarinnar skal skipuð fimm mönnum, einum tilnefndum af Reykjavíkurborg, einum tilnefndum af starfsmannafélagi hljómsveitarinnar, einum tilnefndum af því ráðuneyti er fer með fjáreiður ríkisins og einum tilnefndum af ráðuneytinu sem einnig skipar formann án tilnefningar.]¹⁾ [Ráðuneytið]¹⁾ skipar stjórnina til fjögurra ára og ákveður henni þóknun sem greiðist af rekstrarf hljómsveitarinnar.

¹⁾ L. 126/2011, 95. gr.

■ 5. gr.

- Stjórn Sinfóniuhljómsveitarinnar ræður sér framkvæmdastjóra og ber hann ábyrgð á störfum sínum gagnvart henni. Hann skal ráðinn til 4 ára í senn en enduráðning er heimil. Stjórn hljómsveitarinnar ákveður verksvið framkvæmdastjóra.

■ 6. gr.

- Stjórn Sinfóniuhljómsveitarinnar ræður fastan hljómsveitarstjóra og aðalhljómsveitarstjóra og skipar verkum með þeim.
- Stjórnin ræður hljóðfæraleikara, að fengnum tillögum framkvæmdastjóra, í minnst 65 stöðugildi. Aðra hljóðfæraleikara ræður stjórnin eftir því sem viðfangsefni krefjast, að fengnum tillögum framkvæmdastjóra og innan þeirra marka sem fjárfamlög heimila, enda hafi viðfangsefnið verið samþykkt í fjárhagsáætlun.

□ Um launakjör og vinnutíma starfsmanna hljómsveitarinnar fer eftir kjarasammingum þeirra og [þess ráðherra er fer með launa- og kjaramál ríkisins].¹⁾

- Heimilt er að ráða tónskáld til starfa í þágu hljómsveitarinnar í takmarkaðan tíma eða fá verk til flutnings hjá tónskáldum.

¹⁾ L. 126/2011, 95. gr.

■ 7. gr.

- [Stjórn Sinfóniuhljómsveitarinnar er heimilt að skipa verkefnavalsnefnd um verkefni hljómsveitarinnar. Stjórnin ákveður nánar um skipulag og hlutverk nefndarinnar.]¹⁾

¹⁾ L. 7/2007, 3. gr.

■ 8. gr.

- Stjórn hljómsveitarinnar skal leggja starfs- og fjárhagsáætlun fyrir fjárvéitingaraðila með nægum fyrirvara til þess að gögn liggi fyrir þegar fjárlög eru undirbúin og afgreidd og fjárhagsáælanir viðkomandi sveitarfélaga. Framkvæmdastjóri býr starfs- og fjárhagsáætlunina í hendur stjórnarinnar. Stjórnin ber ábyrgð á að fjárræiður og reikningshald sé í góðu lagi. Efnahags- og rekstrarreikningur skal gerður að loknu hverju almanaksári og sendur ríkisendurskoðun til endurskoðunar. Við gildistöku þessara laga telst Sinfóniuhljómsveit Íslands eiga höfuðstól samkvæmt efnahagsreikningi hljómsveitarinnar pr. 31. desember 1980.

■ 9. gr.

- Heimilt er að semja við [Fjársýslu ríkisins]¹⁾ um að það taki að sér bókhald Sinfóniuhljómsveitarinnar. Starfsfólk á skrifstofu og til aðstoðar við æfingar, tónleika, nótnavörslu og annað skal framkvæmdastjóri ráða að fengnu samþykki ráðninganefndar ríkisins.

¹⁾ L. 95/2002, 6. gr.

■ 10. gr.

- Sinfóniuhljómsveit Íslands skal árlega fara í tónleikaferðir um landið. Gera skal sérstaka fjárhagsáætlun vegna ferðanna. Hluti skemmtanaskatts (10%) samkvæmt 7. gr. laga nr. 58/1970¹⁾ um skemmtanaskatt rennur til greiðslu kostnaðar ferðanna.

¹⁾ L. 58/1970 voru felld úr gildi með l. 93/1998.

■ 11. gr.

- [Ráðuneytið]¹⁾ getur í reglugerð²⁾ sett nánari ákvæði um framkvæmd laga þessara.

¹⁾ L. 126/2011, 95. gr. ²⁾ Rg. 1103/2020.